



**МОЛИТВЫ
И
КАНОНЫ**

**ЧТОМЫЕ
ПО УСОПШИМ**

Елена О. Фомина
МОЛИТВЫ И КАНОНЫ,
ЧТОМЫЕ ПО УСОПШИМ

Текст предоставлен правообладателем

http://www.litres.ru/pages/biblio_book/?art=5629685

Молитвы и каноны, чтомые по усопшим.: Сибирская благовонница;

Москва; 2010

ISBN 978-5-91362-583-0

Аннотация

Отдавая усопшему последний долг, мы чаще всего думаем о том, как достойно проводить его в последний путь, заботимся об организации похорон, устройстве поминальной трапезы, изготовлении памятника. Но усопшему ничего этого уже не нужно. В церковном понимании память об усопшем – это молитвенная память. Основой такой памяти церковной является молитва, обращенная к Богу, Матери Божией, к святым – угодникам Божиим. Святая Церковь призывает нас, живых, молиться об усопших, ибо они уже не имеют возможности молиться за себя. Мы должны молиться о прощении их грехов и о упокоении их душ в обителях Небесных, молиться о том, чтобы благая память Божия о них была вечной... Рекомендовано к публикации Издательским Советом Русской Православной Церкви ИС 12-208-0644

Содержание

Канон о едином усопшем	4
Конец ознакомительного фрагмента.	20

Редактор-составитель

Е. О. Фомина

Молитвы и каноны, чтомые по усопшим

Канон о едином усопшем

Моли́твами святы́х отец наших, Го́споди Иису́се Христе́
Бо́же наш, поми́луй нас. Ами́нь.

Святы́й Бо́же, Святы́й крѣпкий, Святы́й безсме́ртный, поми́луй нас. *(Читается трижды, с крестным знаменем и поясным поклоном)*

Сла́ва Отцу́ и Сы́ну и Свято́му Ду́ху, и ны́не, и прѣсно, и во ве́ки веко́в. Ами́нь.

Пресвята́я Трѣице, поми́луй нас; Го́споди, очисти грехи́ на́ша; Влады́ко, прости́ беззакѣния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Отче наш, Иже еси́ на небесе́х, да святѣтся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́

и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. *(12 раз)*

Слава Отцу и Сыну и Святому Духу, и ныне, и присно, и во веки веков. Аминь.

Приидите, поклонимся Цареву нашему Богу. *(Поклон)*

Приидите, поклонимся и припадём Христу, Цареву нашему Богу. *(Поклон)* Приидите, поклонимся и припадём Самому Христу, Цареву и Богу нашему. *(Поклон)*

Псалом 90

Живый в помощи Вышняго, в крове Бога небеснаго водворится. Речёт Господеви: заступник мой еси и прибежище моё, Бог мой, и уповаю на Него. Яко Той избавит тя от сети ловчи, и от словес мятежна. Плещма Своима осенит тя, и под криле Его надеешься, оружием объдет тя истина Его. Не убойшися от страха ночнаго, от стрелы летящия во дни, от вещи во тьме преходящия, от сряща¹ и беса полуденнаго. Падёт от страны твоей тысяща, и тьма одесную тебе, к тебе же не приближится. Обаче очима твоима смотриши и воздаяние грешников узриши. Яко Ты, Господи, упование моё; Вышняго положил еси прибежище твоё. Не приидет к

¹ Срящ – встреча; все, что случается неожиданно.

тебе зло, и рана не приблизится телеси твоему. Яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрью и, яко позна имя Моё. Воззовет ко Мне, и услышу его, с ним есмь в скорби, изму его и прославлю его, долгою дней исполню его и явлю ему спасение Моё.

Слава Отцу и Сыну и Святому Духу, и ныне, и присно, и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи, помилуй. *(Трижды)*

Тропарь, глас 8-й

Глубиною мудрости человеколюбно вся строяй и полезная всем подаваяй, Едине Содетелю, упокой, Господи, душу раба Твоего, на Тя бо упование возложи, Творца и Зиждителя и Бога нашего.

Слава Отцу и Сыну и Святому Духу, и ныне, и присно, и во веки веков. Аминь.

Богородицен: Тебе и стену, и пристанище имамы, и молитвенницу благоприятну к Богу, Егже родила еси, Богородице Безневестная, верных спасение.

Псалом 50

Помилуй мя, Бóже, по велицей милости Твоей, и по множеству щедрот Твоих очисти беззаконие моё. Наипаче омый мя от беззакония моего, и от греха моего очисти мя.

Яко беззаконие моё аз знаю, и грех мой предо мною есть выну². Тёбе единому согреших и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо, в беззакониях зачат есмь, и во гресех роди мя мати моя. Се бо, истину возлюбил еси, безвестная и тайная премудрости Твоей явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твоё от грех моих, и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом владычним утверди мя. Научу беззаконныя путём Твоим, и нечестивии к Тёбе обратятся. Избави мя от кровей, Бóже, Бóже спасения моего, возрадуется язык мой правде Твоей. Гóсподи, устне мой отверзеши, и уста моя возвестят хвалу Твою. Яко аще бы восхотел еси жертвы, дал бых úбо, всесожжения не благоволиши. Жертва

² Выну – всегда.

Бо́гу дух сокруше́н, сердце сокруше́нно и смиренно Бог не уничижит. Ублажи, Го́споди, благоволением Твоим Сиона, и да сози́ждутся стены Иерусали́мския. Тогда благоволи́ши жертву правды, возношение и всесожегаемая, тогда возложат на олтарь Твой тельцы.

Канон, глас 8-й

Песнь 1

Ирмос: Во́ду прошéд, я́ко сушу, и египетского зла избежав, израильтянин вопияше: Избавителю и Бо́гу на́шему по́йм.

Припев: **Поко́й, Го́споди, ду́шу усо́пшаго раба́ Твоего́ (усопшия рабы Твоея).**

Отверз уста моя, Спасе, слово ми подаждь моли́тися, Милосе́рде, о преставлении раба́ Твоем (*и́мя*), да покоиши ду́шу его, Влады́ко.

Припев: **Поко́й, Го́споди, ду́шу усо́пшаго раба́ Твоего́ (усопшия рабы Твоея).**

Мертв быв плóтию, Спасе, и во гробе положен с мертвыми, ду́шу раба́ Твоего́ покой в месте злачне, я́ко Милосерд.

Сла́ва: Молéбный глас мой услыши, Бо́же Триипоста́сне, и учини ду́шу преставленнаго в не́дрех Авраамлих, Избави-

телю.

И ны́не: Ты, Пречистая Богоро́дице, Егóже без искуса мужеска зачѣнши родила еси́, моли Сына Твоегó подати покой рабу Твоему преставленному (*имя*).

Песнь 3

Ирмос: Небѣснаго круга Верхотворче, Гóсподи, и Церкви Зиждителю, Ты мене утверди в любви Твоей, желаний краю, верных утверждение, Еди́не Человеколю́бче.

Припев: **Покóй, Гóсподи, дýшу усóпшаго раба́ Твоегó (усопшия рабы Твоея).**

В месте злачне, в месте покойне, идѣже липы святыхъ веселятся, дýшу раба́ Твоегó преставленнаго покой, Христé, Еди́не Милостиве.

Припев: **Покóй, Гóсподи, дýшу усóпшаго раба́ Твоегó (усопшия рабы Твоея).**

Идѣже ли́цы святыхъ, тамо вчини, Влады́ко, послужившаго Те́бе всем сердцем и воздвигшаго иго Твое́ на рамо³ свое, я́ко Един Владыка живота и смерти.

Сла́ва: Небесный Отче Вседержителю, и Сыне Единородный, и Душе Святы́й Исходный, презри умершаго согрешения, и в Церкви первенец всели его, славити Тя со всеми уго́ждшими Те́бе.

³ Рамо – плечо.

И ны́не: Яко Мати Свя́тая Пресвя́таго Бо́га, Владычи́це
всяческих, Мари́е Богоро́дице, со всеми святы́ми Сего моли
ду́шу покоити раба́ Твоего́ в небесных селéниях.

*Если канон читается в составе панихиды, по 3-й и 6-й
песнях: ирмос, «Господи помилуй» (40 раз) и молитва «По-
мяни, Го́споди...»*

Седален, глас 5-й

Покóй, Спасе наш, с праведными раба́ Твоего́, и сего все-
ли во двory Твоя́, я́коже есть писано, презирая, я́ко благ,
прегрешéния его вольная и невольная, и вся я́же в ведении
и не в ведении, Человеколюбие.

Сла́ва Отцу́ и Сы́ну и Свято́му Ду́ху, и ны́не, и при́сно, и
во ве́ки веко́в. Ами́нь.

Богородичен: От Девы возсиявый миру, Христé Бо́же, сы-
ны света Тою показавый, помилуй нас.

Песнь 4

Ирмос: Услышах, Го́споди, смотрения Твоего́ таинство,
разумéх дела Твоя́ и прославих Твоé Божество.

Припев: **Покóй, Го́споди, ду́шу усóпшаго раба́ Твоего́
(усопшия рабы Твоея).**

Сошéдый в преисподняя, Христé, совоздвигл еси́ умер-

шия вся, и преставльшагося от нас покой, Спасе, яко щедр.

Припев: Покой, Господи, душу усопшаго раба Твоего (усопшия рабы Твоея).

Никтоже без греха есть, токмо Ты Един, Владыко, сего ради преставленному и грехи остави, и в рай того всели.

Слава: Услыши, Троице Святая, гласы молебныя, приносимыя Тебе в церкви

о усопшем, и богоначальным Твоим светом озари душу, омраченную суетными привержении.

И ныне: Родила еси, Пречистая, без мужеска семени, Бога совершенна и Человека совершенна, вземлющаго грехи наша, Дево. Того моли, Госпоже, преставльшемуся рабу Твоему подати покой.

Песнь 5

Ирмос: Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Припев: Покой, Господи, душу усопшаго раба Твоего (усопшия рабы Твоея).

Имый живота и смерти власть, преставленнаго от нас покой, Христе Боже, Ты бо еси всех, Спасе, покой и живот.

Припев: Покой, Господи, душу усопшаго раба Твоего (усопшия рабы Твоея).

На Тя, Спасе, надежду возложь, умерый отыде от нас; Ты же, Господи, ущедри его, яко Бог многомилостив.

Сла́ва: Просвети нас, Трисвяте, воспеваемый Влады́ко, молящихся Те́бе, мир небесный прия́ти, и в мирных се́лех ду́шу вчини́, отше́дшую от временных в надежде безконече́-
ныя жизни.

И ны́не: Шуйяго стояния, Пречистая, избавити преставленнаго умоли Сына Твоего́, Де́во Госпоже, я́ко Спаса и Бо́га нашего Мати сущая.

Песнь 6

Ирмос: Молитву пролию ко Господу, и Тому возведу печали моя, я́ко зол душа моя испо́лнится и живот мой аду прибли́жися, и молюся, я́ко Иона: от тли, Бо́же, возведи мя.

Припев: **Покóй, Го́споди, ду́шу усóпшаго раба́ Твоего́ (усопшия рабы Твоей).**

Ада испрове́рг, Влады́ко, воскресил еси́ уме́ршия от века; и ны́не преставленнаго от нас в не́дро Авраамле Ты, Бо́же, всели, прегрешения вся отпустив, я́ко милосерд.

Припев: **Покóй, Го́споди, ду́шу усóпшаго раба́ Твоего́ (усопшия рабы Твоей).**

Запове́дь, ю́же ми дал еси́, Бо́же, преступи́х и смертен бых, но Ты, Бо́же, соше́дый во гроб и ду́ши я́же от века воскре́сивый, не возстави мене́, Влады́ко, на мучение, но на поко́й, преставленный вопиет Те́бе с нами, Многоми́лостиве.

Сла́ва: Молим Тя, безначальне Отче и Сыне и Душе Святы́й, злобою душезлобнаго мира озлобленную и к Те́бе, Зи-

ждителю, прешедшую дѹшу во адово дно не отрини, Бѣже Спасе мой.

И ныне: С небесѣ Христос Бог наш, яко дождь на руно, Пречистая, снйде на Тя, напаяя весь мир и изсушая вся безбожнѣя потоки, наводняѣя всю землю разумом Своим, Приснодѣво; Того моли дати покой преставленному рабу Твоему.

Гѣсподи, помилуй. (*Трижды*). Слава и ныне:

Кондак, глас 8-й

Со святыми упокой, Христѣ, дѹшу раба Твоего (рабы Твоей), идѣже несть болезнь, ни печаль, ни въздыхание, но жизнь безконѣчная.

Икос

Сам един еси Безсмертный, сотворивши и создавши человека; земний ѹбо от земли создахомся и в землю тѹюжде пойдем, якоже повелел еси, Создавши мя и рекий ми: яко земля еси и в землю отыдеши, аможе вси человецы пойдем, надгробное рыдание творяще песнь: аллилуїя, аллилуїя, аллилуїя.

Песнь 7

Ирмос: От Иудеи дошедше отроцы, в Вавилоне иногда, верю Трѳическою пламень пѣщный попраша, поюще: отцевъ Бѳже, благословен еси.

Привѣ: **Покѳй, Гѳсподи, дѳшу усѳпшаго раба Твоего (усѳпшия рабы Твоея).**

Владыко Христѣ Бѳже, егда хоцещи судити миру, пощади дѳшу раба Твоего, егѳже от нас приял еси, вопиющаго: отец наших Бѳже, благословен еси.

Привѣ: **Покѳй, Гѳсподи, дѳшу усѳпшаго раба Твоего (усѳпшия рабы Твоея).**

В пици райстей, идеже праведных дѳши веселятся, послуживших Тѣбе, причти с ними, Христѣ, дѳшу раба Твоего, воспѣвшаго: отец наших Бѳже, благословен еси.

Слава: Иудѣйския три отроки спасый во огни, в Триѣх Лицех воспетый, избави огня вѣчнаго усѳпшаго, воспѣвшаго Ти верно: отец наших Бѳже, благословен еси.

И ныне: Владыку Христа рѳждшая, всех Бѳга, власти тѣмныя воздушнаго князя избави, Дѣво, дѳшу преставльшагося в вере и воспѣвшаго: отец наших Бѳже, благословен еси.

Песнь 8

Ирмос: Седмерицею пещь халдейский мучитель богочестивым неистовно разжжé, силою же лучшею спасены сия видев, Творцу и Избавителю вопияше: отроцы благословите, священницы воспóйте, людие превозносите во вся вéки.

Припев: **Покóй, Гóсподи, дúшу усóпшаго раба́ Твоегó (усопшия рабы Твоея).**

Скончав течение и к Тéбе прибегах, Гóсподи, преставленный вопиет ныне, прегрешения оста́ви, Христé Бóже, и не осуди мене, егда хощещи судíти всем, верно бо Тéбе зывах: вся дела Господня, Господа пóйте и превозносите Его во вéки.

Припев: **Покóй, Гóсподи, дúшу усóпшаго раба́ Твоегó (усопшия рабы Твоея).**

Понéсшаго, Влады́ко, йго Твоé на раме своем, и бремя Твоé легкое, аще и не всегда, обаче в месте преподобных Твои́х всели дúшу его, воспéвшаго Тéбе, Христé Спасе: отроцы благословите, священницы воспóйте, людие превозносите Его во вéки.

Сла́ва: Безначальная Трóице Святая, Бóже Отче и Сыне и Душе Святы́й, в лице святы́х причти дúшу преставленнаго раба́ Твоегó и огня вечнаго изба́ви, да Тя хвалит, воспевая во вéки: отроцы благословите, священницы воспóйте, людие превозносите Его во вéки.

И ныне: Тя, Дево, пророчестии лица прорекоша, прозряще бо Тя прозорливыма очима: ов убо жезл нарече Тя, ин же дверь восточную, ов же гору человеки несекомую. Мы же исповедуем Тя воистинну Богородицу, Бога всяческих рождшую, Егже моли упоkobити преставленнаго во веки вся.

Песнь 9

Ирмос: Ужасеся о сем небо, и земли удивишася концы, яко Бог явися человеком плотски, и чрево Твое бысть пространнейшее небес. Тем Тя, Богородицу, Ангелов и человек чиноначалия величают.

Прпев: **Покoй, Гoсподи, душу усoпшаго раба Твоего (усoпшия рабы Твоея).**

Иисусе Бже мой, Спасе, Адамле Ты взял еси преступление и смерти вкусил еси, да человеки от ней свободиши, Милосерде. Темже молим Тя, Милостиве: преставленнаго покой, яко благ, во двoрех святых Твоих, яко Един всеблагий и милосердый.

Прпев: **Покoй, Гoсподи, душу усoпшаго раба Твоего (усoпшия рабы Твоея).**

Несть никтоже, Милосерде, иже не согреши в человецех, токмо Ты един, Иисусе Христе, вземляй грехи всего мира. Темже, очистив раба Твоего от прегрешений, вчини во святых Твоих двoрех, Ты бо живот еси и покой, и свет, и веселие всех, Тебе благоугодивших.

Сла́ва: Удиви́ся все естество человеческое, како безнача́льнаго Отца́ Сы́н сый еди́нородный, плоть от Девы́ действом Свята́го Ду́ха прия́л еси́, и пострада́л еси́ я́ко человек, да уме́ршия оживи́ши. Тем и преста́вленнаго ны́не от нас, приле́жно мо́лим Тя, во стране́ живых, я́ко Бла́г, всели.

И ны́не: Невесту́ Тя нари́цаем, Пречистая́, Отца́ невидима́го, и Ма́терь Сы́на, из Тебе́ Ду́хом Святы́м воплоще́ннаго, и моле́бницу Тя о усопшем рабе́ Твоем, предлага́ем: Тебе́ бо помощницу́ има́мы, земни́и, и любви́ю пою́ще Тя вели́чаем.

Досто́йно е́сть я́ко вои́стинну блажи́ти Тя, Богороди́цу, Присноблаже́нную и Пренепоро́чную и Ма́терь Бо́га наше́го. Честнейшу́ю Херувим и славнейшу́ю без сравне́ния Серафим, без ислéния Бо́га

Слова́ ро́ждшую, су́щую Богороди́цу Тя вели́чаем. (*Поклон*)

Если канон читается в составе панихиды, вместо «Досто́йно...» повторя́ется ирмос 9-й песни канона.

Святы́й Бо́же, Святы́й кре́пкий, Святы́й безсме́ртный, поми́луй нас. (*Трижды*)

Сла́ва Отцу́ и Сы́ну и Свято́му Ду́ху, и ны́не, и присно, и во ве́ки веко́в. Ами́нь.

Пресвята́я Трби́це, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (*Трижды*)

Сла́ва Отцу́ и Сы́ну и Свято́му Ду́ху, и ны́не, и присно, и

во веки веков. Аминь.

Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим, и не введи нас во искушение, но избави нас от лукаваго.

Тропари, глас 4-й

Со дүхи праведных скончавшихся дүшу раба Твоего (рабы Твоей), Спасе, упокой, сохраняя ю во блаженной жизни, яже у Тебе, Человеколюбче.

В покоищи Твоем, Господи, идеже вси святїи Твой упоковаются, упокой дүшу раба Твоего (рабы Твоей), яко Един еси Человеколюбец.

Слава: Ты еси Бог, сошедый во ад и узы окованных разрешиый, Сам и дүшу раба Твоего (рабы Твоей) упокой.

И ныне: Едина чистая и непорочная Дево, Бога без семени рождшая, моли спастися дүши его (ей).

Господи, помилуй. (40 раз)

Молитва

Помяни, Господи Боже наш, в вере и надежди живота вечнаго преставльшагося раба Твоего (преставльшуюся рабу

Твою) (*имя*), и яко благ и Человеколюбец, отпушаяй грехи и потребляяй неправды, ослаби, остави и прости вся вольная его (ея) согрешения и невольная, избави его (ю) вечныя муки и огня геенскаго, и даруй ему (ей) причастие и наслаждение вечных Твоих благих, уготованных любящим Тя: аще бо и согреши, но не отступи от Тебе, и несумненно во Отца и Сына и Святаго Духа, Бога Тя в Троице славимаго, верова, и Единицу в Троице и Троицу во Единстве православно даже до последняго своего издыхания исповеда. Темже милостив тому (той) буди, и веру, яже в Тя, вместо дел вмени, и со святыми Твоими, яко щедр, упокой; несть бо человека, иже поживет и не согрешит, но Ты Един еси кроме всякаго греха и правда Твоя правда во веки, и Ты еси Един Бог милости и щедрот, и человеколюбия, и Тебе славу возсылаем, Отцу и Сыну и Святому Духу, ныне и присно и во веки веков, аминь.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.